

D' Froschsümfonii

Bertie 31.12.2001

En chliine Frosch, dä isch emaal
g'sässe uf 'me dicke Pfahl
im 'ne warme Sunnestrahl
hät «Quaak» g'macht

Vor ihm isch äs Teichli g'sii
Er hät 'dänkt "das isch jetzt mii"
S'isch so warm ich schwümm e chlii
hät «Quaak» g'macht



Quakerei

Im Teich hätt er en Chöpfler g'macht
Das hätt g'schprützt, es isch e Pracht
Er hätt ganz luut use g'lacht
und «Quaak» g'macht

Da isch na öpper ander g'sii
Ä Froschfrau grünen und schön debii
Sie hätt g'frögt "wer sind denn sie"
hät «Quaak» g'macht

Ich bin dä chlii Frosch, lueg mi aa
Suech'sch du nöd en schöne Maa
Miir wänd öis nie me verlaa
und für immer zäme schtaa
Wänd dä Teich als Wohnig haa

Chumm, miir wänd's jetzt luschtig haa
Singed zäme Qua Qua Quaa

← →
Auftakt

Quakerei

1 Melodie: 2 C Am 3 Dm G7 4 C Am 5 Dm G7

En chlii - ne Frosch dä isch e - maal g'sässe uf 'me dik - ke Pfahl

6 C Am 7 Dm G7 8 C Am 9 Dm G7

im 'ne war - me Sun - ne - strahl hät «Quaak» g'macht

1 Quakerei 2x: 2 3 4

Qua Qua Qua Quaaa Qua Qua Qua Qua Qua Quaaa